

酉陽雜俎

唐人筆記



上海中央書店
印行

唐人筆記

西陽雜俎

段成式著



3 0475 5897 2

1935

上海中央書店印行

857341
879

酉陽雜俎

唐段成式撰

酉陽雜俎

凡節守國用玉節守都鄙用角節使山邦用虎節土邦用人節澤邦用龍節門關用符節貨賄用璽節道路用旌節古者安平用璽興事用圭成功用璋邊戎用珩戰鬪用璫城圍用環災亂用雋大旱用龍龍節也大喪用琮

北朝婚禮青布幔爲屋在門內外謂之青廬於此交拜迎婦夫家領百餘人或十數人隨其奢儉挾車俱呼新婦子催出來至新婦登車乃止


壻拜閣日婦家親賓婦女畢集各以杖打壻爲戲樂至有大委頓者晉說文云卽墮字

北朝婦人常以冬至日進履韞及韞正月進箕帚長生花立春進春書以青繪爲韞刻龍像御

之或爲蝦蟆五月進五時圖五時進佛帳之類是日又進長命縷宛轉繩皆結爲人髮之類至日進扇及粉脂蠶皆有辭

秦漢以來於天子言陛下於皇太子言殿下將言殿下使者言節下轂下二千石長史言閣下父母言膝下通類相言於足下

僧一行博覽無不知尤善於數鈎深藏往當時學者莫能測幼時家貧隣有王姥前後濟之數十萬及一行開元中承上敬遇言無不可常思報之尋王姥兒犯殺人罪獄未具姥訪一行求救一行曰姥要金帛當十倍酬也明君執法難以請情一日求如何王姥戟手大罵曰何用識此



45419

僧一行從而謝之終不顧一行心計渾天寺中工役數百乃命空其室內徙大蠶於中又密選常住奴二人授以布囊謂曰某坊某角有廢園汝向中潛伺從午至昏當有物入來其數七可盡掩之失一則杖汝奴如言而往至西後果有羣豕至奴悉獲而歸一行大喜令實瓮中覆以木蓋封於六一泥朱題梵字數寸其徒莫測詰朝中使叩門急召至便殿元宗迎問曰太史奏昨夜北斗不見是何祥也師有以禳之乎一行曰後魏時失熒惑至今帝車不見古所無者天將大警於陛下也匹夫匹婦不得其所則隕霜赤旱盛德所感乃能退舍感之切者其在葬枯出係乎釋門以瞋心壞一切善慈心降一切魔如臣曲見莫若大赦天下元宗從之又其夕太

史奏北斗一星見凡七日而復成式以此事頗怪然大傳衆口不得不著之
太和中鄭仁本表弟不記姓名常與一王秀才遊嵩山捫蘿越澗境極幽邃遂迷歸路將暮不知所之徙倚間忽覺叢中鼾睡聲披榛窺之見一人布衣甚潔白枕一樸物方睡熟即呼之曰某偶入此徑迷路君知向官道否其人舉首略視不應復寢又再三呼之乃起坐顧曰來此二人因就之且問其所自其人笑言曰君知月乃七寶合成乎月勢如丸其影日爍其凸處也常有八萬二千戶修之予卽一數因開樸有斤鑿數事玉屑飯兩裹授與二人曰分食此雖不足長生可一生無疾耳乃起二人指一支徑但由此自合官道矣言已不見

鄮都稻名重。思其米如石榴子。粒稍大。味如菱。杜瓊作重思賦曰。霏霏春暮。翠矣重思。雲氣交被。嘉穀應時。

孫思邈嘗隱終南山。與宣律和尚相接。每來往。互參宗旨。時大旱。西域僧請於昆明池。結壇祈雨。詔有司備香燈。凡七日。縮水數尺。忽有老人。夜詣宣律和尚求救曰。弟子昆明池龍也。無雨久。匪由弟子。胡僧利弟子。腦將爲藥。欺天子言。祈雨命在旦夕。乞和尚法力加護。宣公辭曰。貧道持律而已。可求孫先生。老人因至思邈石室求救。孫謂曰。我知昆明龍宮有仙方三千首。爾傳與予。予將救汝。老人曰。此方上帝不許妄傳。今急矣。固無所怪。有頃捧方而至。孫曰。爾第還。無慮。胡僧也。自是池水忽漲。數日溢岸。胡僧羞。

悲而死。孫復著千金方三千卷。每卷入一方。人不得曉。及卒後。時有人見之。元宗幸蜀。夢思邈。乞武都雄黃。乃命中使齎十斤。送於峨眉頂上。中使上山未半。見一人幅巾被褐。鬚鬢皓白。二童青衣。九髻。夾侍立。屏風側。手指大盤石曰。可致藥於此。上有表錄上皇帝。使視石上朱書百餘字。遂錄之。隨寫隨滅。寫畢。上無復字矣。須臾白氣漫起。因忽不見。

同州司馬裴沆。常說再從伯目洛中。將往鄭州。在路數日。晚程。偶下馬。覺道左有人呻吟聲。因披蒿萊。尋之。荆叢下。見一病鶴。垂翼俛昧。翅關上瘡。壞無毛。且異其聲。忽有老人白衣曳杖。數十步而至。謂曰。郎君年少。豈解哀此鶴耶。若得人血一塗。則能飛矣。裴頗知道。性甚高逸。遽曰。

某請刺此臂血不難。老人曰：君此志甚勁，然須三世是人，其血方中。郎君前生非人，唯洛中葫蘆生三世是人矣。郎君此行，非有急切可能，卻至洛中干葫蘆生乎？裴欣然而返，未信宿至洛，乃訪葫蘆生，具陳其事。且拜祈之。葫蘆生初無難色，開襟取一石合，大若兩指，援針刺臂，滴血下滿其合。授裴曰：無多言也。及至鶴處，老人已至。喜曰：固是信士。及令盡其血塗鶴，言與之結緣。復邀裴曰：我所居去此不遠，可少留也。裴覺非常人，以丈人呼之。因隨行，纔數里，至一莊，竹落草舍，庭廡狼藉。裴渴甚，求茗。老人指一土甕，此中有少漿可就取。裴視甕中有一杏核，一扇如笠，滿中有漿，漿色正白，乃力舉飲之，不復饑渴。漿味如杏酪。裴知隱者，拜請爲奴僕。老人曰：

君有世間微祿，縱住亦不終其志。賢叔真有所得，吾久與之遊，君自不知。今有一信憑君必達。因裹一襖物，大如蕤椀，戒無竊開。復引裴視鶴，鶴所損處毛已生矣。又謂裴曰：君向飲杏漿，當哭九族親盡，且以酒色爲誡也。裴還洛中路，悶其附信將發之，襖四角各有赤蛇出頭。裴乃止。其叔得信，卽開之，有物如乾大麥飯，升餘。其叔後因遊王屋，不知其終。裴壽至九十七矣。

明經趙業，貞元中選授巴州清化縣令，失志成疾。惡明，不飲食四十餘日。忽覺室中雷鳴，頃有赤氣如鼓輪轉至牀，騰上當心而住。初覺精神遊散如夢中，有朱衣平幘者，引之東行，出山斷處，有水東西流，人甚衆，久立視之。又之東行，一橋飾以金碧，過橋北入一城，至曹司中人吏甚衆。

見妹聳質奕與已爭煞牛事疑是冥司遽逃避至一壁間牆如黑石高數丈聽有呵喝聲朱衣者遂領入大院吏通曰司命過人復見質奕因與辯對奕固執之無以自明忽有巨鏡徑丈虛懸空中仰視之宛見質奕鼓刀趙負門有不忍之色奕始伏罪朱衣人又引至司人院一人被褐帔紫霞冠狀如尊像責曰何故竊撥幞頭二事在滑州市隱橡子三升因拜之無數朱衣者復引出謂曰能遊上清乎乃共登一山下臨流水其水懸注騰沫人隨流而入者千萬不覺身亦隨流良久住大石上有青白暈道朱衣者變成兩人一道之一促之乃升石崖上立坦然無塵行數里旁有草如紅藍莖葉密無刺其花拂然飛散空中又有草如苣附地亦飛花初出如

馬勃破大如鼻赤黃色過此見火如山橫亘天候燄絕乃前至大城城上重譙街列菓樹仙子爲伍迭謠鼓樂仙姿絕世凡歷三重門丹轎交煥其地及壁澄光可鑑上不見天若有絳暈都覆之正殿三重悉列尊像見道士一人如舊相識趙求爲弟子不許諸樂中如琴者長四尺九絃近頭尺餘方廣中有兩道橫以變聲又如一酒榼三絃長三尺腹面上廣下狹背豐隆頃有過錄乃引出闕南一院中有絳冠紫霞帔命與二朱衣人坐廳事乃命先過戊申錄錄如人間詞狀首冠人生辰次言姓名年紀下注生月日別行橫布六旬甲子所有功過日下具之如無卽書無事趙自規其錄姓名生辰日月一無差錯也過錄者數盈億兆朱衣人言每六十年天

下人。一過錄以考校善惡。增損其算也。朱衣者引出北門。至向路。執手別曰。遊此是子之魂也。可尋此行。勿返顧。當達家矣。依其言行稍急。驟倒如夢覺。死已七日矣。趙著魂遊上清記。敘事甚詳悉。

史論在齊州時出獵。至一縣界。憩蘭若中。覺桃香異常。訪其僧。僧不及隱。言近有人施二桃。因從經案下取出獻論。大如飯碗。時饑盡食之。核大如鷄卵。論因詰其所自。僧笑向實謬言之。此桃去此十餘里。道路危險。貧道偶行。脚見之。覺異。因掇數枚論曰。今去騎從。與和尚偕往。僧不得已。導論北去。荒榛中。經五里許。抵一水。僧曰。恐中丞不能渡。此論志決往。乃依僧解衣戴之。而浮登岸。又經西北。涉二小水。上山越澗數里。

至一處。布泉怪石。非人境也。有桃數百株。幹掃地高二三尺。其香破鼻。論與僧各食一蒂。腹果然矣。論解衣將盡力包之。僧曰。此或靈境。不可多取。貧道嘗聽長老說。昔日有人亦嘗至此。懷五六枚。迷不得出。論亦疑僧非常。取兩箇而返。僧切戒論不得言。論至州使招僧。僧已逝矣。邢和璞偏得黃老之道。善心算。作穎陽書疏。有叩奇旋入空。或言有草。初未嘗覩。成式見山人鄭昉。說崔司馬者。寄居荊州。與邢有舊。崔病積年且死。心常恃於邢。崔一日覺臥室北牆有人。斷聲命左右視之。都無所見。臥室之北。家人所居也。如此七日。斷不已。牆忽透明如一粟。問左右。復不見。經一日。穴大如盤。崔窺之。牆外乃野外耳。有數人荷鋤。鑿立於穴前。一曰崔問之。皆

云。邢真人處分開此。司馬厄重。倍費功力。有頃。導騶五六。悉平幘朱衣。辟曰。真人至。見邢與中。白帽垂綬。執五明扇。侍衛數十。去穴數步而止。謂崔曰。公算盡僕爲公。再三論得延一紀。自此無苦也。言畢。壁如舊。旬日病愈。又會居終南。好道者多卜築依之。崔曙年少。亦隨焉。伐薪汲泉。皆是名士。邢嘗謂其徒曰。三五日有一異客。君等可爲予辦一味也。數日備諸水陸。遂張筵於一亭。戒無妄窺。衆皆閉戶。不敢警歛。邢下山延一客。長五尺。闊三尺。首居其半。緋衣寬博。橫執象笏。其睫疎揮。色若削瓜。鼓髯大笑。吻角侵耳。與邢劇談。多非人間事故也。崔曙不耐。因走而過庭。客熟視顧邢曰。此非泰山老師乎。邢應曰。是客復曰。更一轉則失之千里。可惜。及暮而去。

邢命崔曙謂曰。向客上帝戲臣也。言泰山老師。君頗記無崔垂泣。言某實泰山老師。後身不復憶。幼常聽先人之房瑄太尉。祈邢等終身之事。邢言若來由東南。止西北。祿命卒矣。降魄之處。非館非寺。非途非署。病起于魚殮。休材龜茲板。後房自袁州除漢州。及罷歸至閬州。舍紫極宮。適雇工治木房。怪其木理成形。問之道士。稱數月前買客施數段龜茲板。今治爲屠蘇也。房始憶邢之言。有頃。刺史具繪邀房。歎曰。邢君神人也。乃具曰。于刺史。且以龜茲板爲托。其夕病鱸而終。

秀才權同休友人。元和中下第。旅遊蘇湖間。遇疾貧窘。走使者本村。挈人僱已一年矣。疾中思甘豆湯。令其市甘草。僱者久而不去。但具火湯。

水秀才且意其怠于祗承。復見折樹枝盈握。仍再三搓之。微近火上。忽成甘草。秀才心大異之。且意必有道者。良久取龕沙數掬。按揆已成豆矣。及湯成。與甘豆無異。疾亦漸差。秀才謂曰。余貧迫若此。無以寸步。因擬垢衣授之。可以此辦少酒肉。予將會村老丐少道路資也。僮者微笑。此固不足辦。某當營之。乃斫一枯桑樹。成數筐。札聚于盤上。嚙之。悉成牛肉。復汲數瓶水。頃之乃旨酒也。村老皆醉飽。獲束縑三千。秀才方慙謝僮者曰。某本驕雅。不識道者。今返請爲僕僮者曰。予固異人。有少失。謫于下賤。合役于秀才。若限未足。復須力于它人。請秀才勿變常。庶卒某事也。秀才雖諾之。每呼指色上面。蹙蹙不安。僮者乃辭曰。秀才若此。果妨某事也。因說秀才

修短窮達之數。且言萬物無不可化者。唯淤泥中朱漆筴及髮。藥力不能化。因去不知所之也。寶歷中。荊州有盧山人。常販橈朴石灰。往來于白湫南草市。時時微露奇跡。人不之測。賈人趙元卿好事。將從之遊。乃頻市其所貨。設菓茗。詐訪其利息之術。盧覺。竟謂曰。觀子意似不在所市。意有何也。趙乃言竊知長者埋形隱德。洞過蒼龜。願垂一言。盧笑曰。今且驗君主人午時有非常之禍也。若是吾言當免。君可告之。將午當有匠餅者。負囊而至。囊中有錢二千餘。而必非意相干也。可閉門戒妻孥勿輕應對。及午必極罵。須盡家臨水避之。若爾。徒費三千四百錢也。時趙停於百姓張家。即遽歸語之。張亦素神盧生。乃閉門伺之。欲午果有人狀如盧所言。叩門

求糴。怒其不應。因蹴其門。張重贊捍之。少頃。聚人數百。張乃自後門率妻孥迴避。差午其人乃去。行數百步。忽蹶倒而死。其妻至。衆人具告其所爲。妻痛切。乃號適張所。誣其夫死有自。官不能評。衆具言張閉戶逃避之狀。識者謂張曰。汝固無罪。可爲辦其死。張欣然從斷。其妻亦喜。及市槨就壘。正當二千四百文。因是人赴之。如市。盧不耐。竟潛逝。至復州界。維舟于陸奇秀才莊。門或語陸。盧山人非常人也。陸乃謁。陸時將入京投相知。因請決疑。盧曰。君今年不可動。憂旦夕禍作。君所居堂後有錢一甌。覆以板。非君有也。錢主今始三歲。君慎勿用一錢。用必成禍。能從吾戒乎。陸矍然謝之。及盧生去。水波未定。陸笑謂妻子曰。盧生言若是。吾更何求乎。乃命家

童鋤其地。未數尺。果遇板。徹之。有巨瓮。散錢滿焉。陸喜。其妻以裙運。紉草貫之。將及一萬。兒女忽暴頭痛。不可忍。陸曰。豈盧生言將徵乎。因奔馬追及。且謝違戒。盧生怒曰。君用之。必禍骨肉。骨肉與利輕重。君自度也。棹舟去之。不顧。陸馳歸。雖而瘳焉。兒女豁愈矣。盧生到復州。又常與數人閒行。途遇六七八人。盛服俱帶酒氣。逆鼻。盧生忽叱之曰。汝等所爲不悛。性命無幾。其人悉羅拜塵中。曰。不敢。其侶訝之。盧曰。此輩盡劫江賊也。其異如此。趙元和言盧生狀貌。老少不常。亦不常見其飲食。嘗語趙生曰。世間刺客隱形者不少。道者得隱形術。能不試二十年。可易形名曰脫離。後二十年名籍於地仙矣。又言刺客之死。屍亦不見。所論多奇怪。蓋神仙之流也。

于頔在襄州。嘗有山人王固謁見于。于性快。見其拜伏遲緩。不甚知書生。別日遊譙。不得復進。王殊快快。因至使院。造判官曾叔政。頗禮接之。王謂曾曰。予以相公好奇。故不遠而來。今實乖望矣。予有一藝。自古無者。今將歸。且荷公見待之厚。今爲一設。遂詣會所。居懷中出竹一節。及小鼓。規纔運寸良久。去竹之塞。折枝連擊鼓子。筒有蠅虎子數十。分行而出。分爲二隊。如對陣勢。每擊鼓或三或五。隨鼓音變陣。天衡地軸。魚麗鶴列。無不備也。進退離附。人所不及。凡變陣數十。乃行入筒中。會觀之大駭。方言于公王已潛去。于悔恨。令物色求之。不獲。

難于泐泐。天師霍乾祐念商旅之勞。於漢城山上結壇。放召追命羣龍。凡一十四處。皆化爲老人。應召而止。乾祐諭以灘波之險。害物勞人。使皆平之。一夕之間。風雷振擊。一十四里。盡爲平潭矣。惟一灘仍舊。龍亦不至。乾祐復嚴敕神吏追之。又三日。有一女子至焉。因責其不伏應召之意。女子曰。某所以不來者。欲助天師廣濟物之功耳。且富商大賈。力皆有餘。而傭力負運者。力皆不足。雲安之貧民。自江口負財貨至近井潭。以給衣食者衆矣。今若輕舟利涉。平江無虞。卽邑之貧民。無傭負之所。絕衣食之路。所困者多矣。余寧險灘波以贍傭負。不可利舟楫以安富商。所以不至者。理在此也。乾祐善其言。因使諸龍皆復其故。風雷頃刻而長灘如舊。天寶中。

雲安井自大江泝別派。凡三十里。近井十五里。澄清如鏡。舟楫無虞。近江十五里。皆灘石險惡。

詔赴上京。恩遇隆厚。歲餘還故山。尋得道而去。元宗既召見一行。謂曰。師何能對。曰。惟善記覽。元宗因詔掖庭取宮人籍以示之。周覽既畢。覆其本。記念精熟。如素所習讀。數幅之後。元宗不覺降御榻。爲之作禮。呼爲聖人。先是一行既從釋氏。師事普寂於嵩山。師嘗設食于寺。大會羣僧及沙門。居數百里者。皆如期而至。聚且千餘人。時有盧鴻者。道高學富。隱於嵩山。因請鴻爲文。讚嘆其會。至日。鴻持其文至寺。其師受之。致於几案上。鐘梵既作。鴻請普寂曰。某爲文數千言。况其字僻而言怪。盡於羣僧中選其聰悟者。鴻當親爲傳授。乃令召一行。既至。伸紙微笑。止于一覽。復致於几上。鴻輕其疎脫。而竊怪之。俄而羣僧會于堂。一行攘袂而進。抗音與裁。一無

遺忘。鴻驚愕久之。謂寂曰。非君所能教導也。當從其遊學。一行因窮太衍自此訪求師資。不遠數千里。嘗至天台國清寺。見一院古松數十步。門有流水。一行立於門屏間。聞院中僧於庭布算。其聲簌簌。既而謂其徒曰。今日當有弟子求吾算法。已合到門。豈無人道達耶。即除一算。又謂曰。門前水合却西流。弟子當至。一行承言而入。稽首請法。盡受其術焉。而門水舊東流。今忽改爲西流矣。邢和璞嘗謂尹偁曰。一行其聖人乎。漢之洛下閎。造大衍歷云。後八百歲。當差一日。則有聖人定之。今年期畢矣。而一行造大衍歷。正在差謬。則洛下閎之言信矣。又嘗詣道士尹崇。偕揚雄。太元經數日。復詣崇。還其書。崇曰。此書意旨深遠。吾尋之數年。尙不能曉。吾子試

更研求何遽還也。一行曰：究其義矣。因出所撰太衍玄圖及義訣一卷以示崇。崇大嗟服曰：此後生顏子也。至開元末，裴寬爲河南尹，深信釋氏。師事普寂禪師。日夕造焉。居一日，寬詣寂。寂云：方有小事，未暇款語。且請遲回休憩也。寬乃屏息止於空室。見寂潔正堂，焚香端坐，坐未久，忽聞叩門。連云：天師一行和尚至矣。一行入，詣寂作禮。禮訖，附耳密語其貌絕恭。但額云：無不可者。語訖，禮訖，又語如是者三。寂惟云：是是。無不可者。一行語訖，降階入南室，自闔其戶。寂乃徐命弟子云：遣鐘一行和尚滅度矣。左右疾走視之，一行如其言滅度。後寬乃服袈裟葬之，自徒步出城送之。

李叔詹嘗識一范陽山人，停於私第，時語休咎。

必中，兼善推步禁咒。止半年，忽謂李曰：某有一藝，將去，欲以爲別。所謂水畫也。乃請後堂廳上掘地爲池，方丈深尺餘，泥以麻灰。日沒水滿之，候水不耗，具丹青墨硯，先援筆叩齒良久，乃縱筆毫水上就視，但見水色渾渾耳。經二日，楊以裨絹四幅，食頃舉出，觀之，古松怪石，人物屋木，無不備也。李驚異，苦詰之，惟言善能禁彩色，不令沉散而已。

高瑀在蔡州，有軍將田知迴，易折欠數百萬，迴至外縣，去州三百餘里。高方令錮身，勸田憂迫，計無所出。其類因爲設酒食開解之，坐客十餘，中有稱處士皇甫元真者，衣白若鵝羽，貌甚都雅，衆皆有寬勉之辭。皇甫但微笑曰：此亦小事，衆散乃獨留，謂田曰：予嘗遊海東，獲二寶物，當

爲君解此難。田謝之。請具車馬。悉辭行。甚疾。其晚至州。舍于店中。遂晨謁高。高一見不覺敬之。因請高曰。元真此來。特從尙書乞田。性命高遽曰。田欠官錢。非瑀私財。如何。皇請避左右。某於新羅獲一巾子。辟塵。欲獻此贖田。卽於懷內探出授高。高纔執。已覺體中虛涼。驚曰。此非人臣所有。且無價矣。田之性命。恐不足酬也。皇甫請試之。翌日。因宴於郭外。時久旱。埃塵且甚。高顧視馬尾鬣。及左右騶卒數人。並無纖塵。監軍使覺。問高何事。尙書獨不塵。豈遇異人。獲至寶乎。高不敢隱。監軍不悅。因求見處士。高乃與俱往。監軍戲曰。道者獨知有尙書乎。更有何寶。願得一觀。皇甫具述救田之意。且言藥出海東。今餘一針。力弱不及巾。可令一身無塵。監軍拜請。

曰。獲此足矣。皇卽於巾上抽與之。針金色。大如布針。監軍乃筭於巾試之。驟於塵中。塵唯及馬騷尾焉。高與監軍日日禮謁。將討其道要。一夕忽失所在矣。

梁劉孝儀食鯖鮓曰。五侯九伯。令盡征之。魏使崔劼。李騫在坐。劼曰。中丞之任。未應已得分陝。騫曰。若然。中丞四履。當至穆陵。孝儀曰。鄴中鹿尾。乃酒肴之最。劼曰。生魚熊掌。孟子所稱。雞跖猩脣。呂氏所尙。鹿尾乃有奇味。竟不載書籍。每用爲怪。孝儀曰。實自如此。或是古今好尙不同。梁賀季曰。青州蟹黃。乃爲鄒氏所記。此物不書。未解所以。騫曰。鄭亦稱益州鹿。但未是珍味。何胤侈於味。食必方丈。後稍欲去其甚者。猶食白魚。鮓。腊。糖。蟹。使門人議之。學士鍾旣議曰。鮓。

之就腊。驟於屈伸。而蟹之將糖。躁擾彌甚。仁人用意深懷惻怛。至於車螯母。蟬眉目內闕。慙渾沌之奇。唇吻外絨。非金人之憤。不榮不悴。會草木之不若。無馨無臭。與瓦礫而何異。故宜長充庖廚。永爲口實。後梁韋琳京兆人。南遷于襄陽。天保中爲舍人。涉獵有才藻。善劇談。常爲鉏表以譏刺時人。其詞曰。臣鉏言。伏見除書。以臣爲綜。熬將軍。油蒸校尉。臚州刺史。脯腊如故。肅承將命。含灰屏息。憑籠臨鼎。載兢載惕。美愧夏鱣。味慚冬鯉。常懷鮐腹之誚。每懼鼈巖之譏。是以漱流湖底。枕石泥中。不意高賞殊臨。曲蒙鈎拔。遂得超升。綺席忝預。玉盤遠廁。玳筵猥頒。象箸澤覃。紫腴恩加。黃腹方當鳴。冀動桂紆。蘇佩櫬。輕瓠纔動。則樞盤如煙。濃汁暫停。則蘭肴

成列。宛轉綠蠶之中。逍遙朱唇之內。銜恩噬澤。九殞勿辭。無任屏營之誠。謹列銅鑪。門奉表致謝。以聞。詔答曰。省表具知。卿池沼縉紳。陂渠俊父。穿蒲入荇。肥滑有聞。允堪茲選。無勞謝也。李彥佐在滄景。太和九年。有詔。浮陽兵北渡。黃河時冬十二月。至濟南郡。使擊冰。延舟冰觸舟。舟覆。詔失。李公驚懼。不寢食六日。鬢髮暴白。至貌侵膚削。從事亦訝其儀形也。乃令津吏不得詔。盡死。吏懼。且請公一祝。沉浮於河。吏憑公誠。明以死索之。李公乃令具爵酒。言祝傳語。詰河伯。其旨曰。明天子在上。川瀆山岳。祝史咸秩。予境之內。祀未嘗賈。爾河伯泊鱗之長。當衛天子。詔何反溺之。予或不獲。予齋告于天。天將譴爾。吏醉冰辭已。忽有聲如震。河冰中斷。可三十丈。

吏知公精誠已達。乃沉鉤索。一一釣而出。封角如舊。唯篆印微濕耳。李公所至。令務嚴簡。惟誠於物著於官。下如河水色。渾駛流。大木與纖芥。頃而千里矣。安有舟覆六日一醉而堅冰陷。一釣而沉詔獲。得非精誠之至乎。

豚勇怒而面青。骨勇怒而面白。血勇怒而面赤。山氣多男。澤氣多女。水氣多暗。風氣多聾。木氣多偃。石氣多力。阻險氣多癰。暑氣多殘。雲氣多壽。谷氣多瘠。邱氣多庭。衍氣多仁。陵氣多貪。百體中有懸針書。垂露書。秦王破篆書。金鵲書。虎爪書。倒薤書。偃波書。信幡書。象帛書。籀書。諤一云。篆書。制書。列書。日書。月書。風書。署書。蟲食葉書。胡書。落書。天竺書。楷書。橫書。芝英。隸。鐘。隸。鼓。隸。龍虎篆。麒麟篆。魚篆。蟲篆。鳥篆。鼠篆。牛書。

兔書。草書。龍草書。狼書。犬書。雞書。震書。反左書。行押書。機書。景書。半草書。

歷城北一里有蓮子湖。周環二十里。湖中多蓮。花紅綠間。明乍疑濯錦。又漁船掩映。罟罾疎布。遠望之者。若蛛網浮杯也。魏袁翻曾在湖醺集。參軍張伯瑜諮公言。向爲血羹。頻不能就。公曰。取洛水必成也。遂如公語。果成。時清河王悛而異焉。乃諮公未審何義得爾。公曰。可思。湖目。清河笑而然之。而實未解。坐散語主簿房叔道曰。湖目之事。吾實未曉。叔道對曰。藕能散血。湖目蓮子故令公思。清河歎曰。人不讀書。其猶夜行二毛之叟。不如白面書生。

王彥威尙書在汴州二年夏旱。時袁王傅季珣寓汴。因宴。王以旱爲言。季辭曰。欲雨甚易耳。可

求蛇醫四頭。十石甕二枚。每甕實以水。浮二蛇。醫以木蓋密泥之。分置於閑處。甕前後設席。燒香。選小兒十歲已下十餘。令執小青竹。晝夜更擊其甕。不得少輟。王如言試之一日。兩夜雨大。注。舊說龍與蛇師爲親家焉。

庾信作詩。用西京雜記事。旋自追改曰。此吳均語。恐不足用也。魏肇師曰。古人託曲者多矣。然鸚鵡賦。彌衡潘尼二集並載。奕賦。曹植左思之言正同。古人用意。何至於此。君房曰。詞人自是好相採取。一字不異。良是。後人莫辨。魏尉瑾曰。九錫或稱王粲。六代亦言曹植。信曰。我江南才士。今日亦無舉世所推。如溫子升。獨擅鄴下。常見其詞筆。亦足稱是。遠名近得。魏收數卷碑。製作富逸。特是高才也。

梁遣黃門侍郎明少遐。秣陵令謝藻。信威長史王纘。冲宣城王文學。蕭愷。兼散騎常侍袁狎。兼通直散騎常侍賀文發。宴魏使李霽。崔劼。溫良畢。少遐詠。霽贈其詩曰。蕭蕭一作蕭蕭風。簾舉依依。然可想。霽曰。未若燈花寒不結。最附時事。少遐報詩中有此語。劼問少遐曰。今歲奇寒。江淮之間。不乃冰凍。少遐曰。在此雖有薄冰。亦不廢行。不似河冰一合。便勝車馬。狎曰。河冰上有狸跡。便堪人渡。劼曰。狸當爲狐。應是字錯。少遐曰。是狐性多疑。鼫性多豫。狐疑猶豫。因此而傳耳。劼曰。鵲巢避風。雉去惡政。乃是鳥之一長。狐疑鼫豫。可謂獸之一短也。

梁徐君房勸魏使尉瑾酒。一噲卽盡。笑曰。奇快。瑾曰。卿在鄴飲酒。未嘗傾卮。武州已來。舉無遺。

滴君房曰。我飲實少。亦是習慣。微學其進。非有由然。庾信曰。庶子年之高卑。酒之多少。與時升降。便不可得而度。魏肇師曰。徐君年隨情少。酒因境多。未知方十復作若爲輕重。

梁宴魏使。魏肇師舉酒勸陳昭曰。比席已後。便與卿少時阻闊。念此甚以懷眷。昭曰。我欽仰名賢。亦何已也。路中都不盡深心。便復乖隔。茲歎如何。俄而酒至。鸚鵡杯。徐君房飲不盡。屬肇師。肇師曰。海蠡蜿蜒。尾翅皆張。非獨爲玩好。亦所以爲爵。卿今日真不得辭責。信曰。庶子好爲衛數。遂命更滿酌。君房謂信曰。相持何乃急。肇師曰。此謂直道而行。乃非豆萁之喻。君房乃覆碗。信謂瑾肇師曰。適信家餉致濡醪酒數器。泥封全。但不知其味。若爲必不敢先嘗。謹當奉薦。肇

師曰。每有珍藏。多相費累。願更以多慚。

寧王常獵於鄆縣界。搜林忽見草中一櫃。扇鎖甚固。王命發視之。乃一少女也。問其所自。女言姓莫氏。叔伯莊居。昨夜遇光火賊。賊中二人是僧。因劫某至此。動婉含嚔。治熊橫生。王驚悅之。乃載以後乘。時慕舉者方生。獲一熊。置櫃中。如舊鎖之。時上方求極色。王以莫氏衣冠子女。即日表上之。具其所由。上令充才人。經三日。京兆奏鄆縣食店有僧二人。以錢一萬。獨賃店。一夜言作法事。唯鼻一櫃入店中。夜久。膺膊有聲。店戶人怪。日出。不啓門。徹戶視之。有熊衝人走出。二僧已死。骸骨悉露。上知之大笑。書報寧王。寧哥大能處置此僧也。莫才人能爲奏聲。當時號莫才人嚙焉。

一行公本不解奕。因會燕公宅。觀王積薪棋一局。遂與之敵。笑謂燕公曰。此但爭先耳。若念貧道四句承除語。則人人爲國手。

歷城房家園。齊博陵君豹之山池。其中雜樹森竦。泉石崇邃。歷中被襖之勝也。會有人折其桐枝者。公曰。何謂傷吾鳳條。自後人不敢復折。公語參軍尹孝逸曰。昔季倫金谷山泉。何必踰此。孝逸對曰。曾詣洛西。遊其故所。彼此相方。誠如明教。孝逸常欲還鄴。詞人餞宿於此。逸爲詩曰。風淪歷城水。月倚華山樹。時人以此兩句。比謝靈運池塘十字焉。

魏僕射收臨代。七月七日登舜山。徘徊顧眺。謂主簿崔曰。吾所經多矣。至於山川沃壤。襟帶形勝。天下名州。不能過此。惟未審東陽何如。崔對

曰。青有古名。齊得舊號。二處山川形勢相似。曾聽所論。不能踰越。公隨命筆爲詩。於時新故之際。司存缺然。求筆不得。乃以五伯杖畫堂北壁。爲詩曰。述職無風政。復路阻山河。還思麾蓋日。留謝此山阿。

梁宴魏使李壽劼。樂作。梁舍人賀季曰。音聲感人深也。劼曰。昔申喜聽歌。愴然知其母。理實精妙然也。梁主客王克曰。聽音觀俗。轉是精者。劼曰。延陵昔聘上國。實有觀風之美。季曰。卿發此言。乃欲挑戰。壽曰。請執鞭弭。與君周旋。季曰。未敢三舍。劼曰。數奔之事。久已相謝。季曰。車亂旗靡。恐有所歸。劼曰。平陰之役。先鳴已久。克曰。吾方欲館穀而旌武功。壽曰。王夷師燔。將以誰屬。遂共大笑而止。樂欲訖。有馬數十匹馳過。

未有聞人。驚曰。卷伯乃同趣馬。詎非侵官。季曰。此乃貌似。劫曰。若值袁紹。恐不能免。

王勃每爲碑頌。先墨磨數升。引被覆面而臥。忽起。一筆書之。初不竄點。時人爲人腹。藁少夢人。遺以丸墨盈袖。李白名播海內。元宗於便殿召見。神氣高朗。軒軒然若霞舉。上不覺亡萬乘之尊。因命納履。白遂展足與高力士曰。去靴力士失勢。遽爲脫之。及出。上指白謂力士曰。此人固窮相。白前後三擬詞。選不如意。悉焚之。唯留恨別賦。及祿山反。製胡無人言。太白入月。敵可摧。乃祿山死。太白蝕月。衆言李白唯戲杜考功飯。顓山頭之句。段成式見李白祠亭上。宴別杜考功詩。今錄首尾曰。我覺秋興逸。誰言秋興悲。山將落日去。水共晴空宜。烟歸碧海夕。雁度青天

時。相失各萬里。茫然空爾思。

薛平司徒常送太僕卿周皓。上諸色人吏中來。有一老人八十餘。著緋。皓獨問君屬此司多少。時老人言某本藝正。傷折天寶初。高將軍郎君被人打下。頷骨脫。某爲正之高將軍賞錢千萬。兼特奏緋。皓因領遣之。唯薛覺皓顏色不足。伺客散獨留。從容謂周曰。向卿問著緋老吏。似覺卿不悅何也。皓驚曰。公用心如此精也。乃去僕邀薛宿曰。此事長可緩言之。某年少。常結豪族。爲花柳之遊。竟畜亡命。訪城名姬。如蠅襲。羶無不獲者。時靖恭坊有姬字夜來。稚齒巧笑。歌舞絕倫。貴公子破產迎之。予時數輩富於財。更擅高會。一日其母白皓曰。某日夜來生日。豈可寂寞乎。皓與往還。竟求珍貨。合錢數十萬。樂工賀。

懷智紀孩孩。皆一時絕手。局方合。忽覺擊門聲。皓不許開。良久。折關而入。有少年紫裘。騎從數十萬。訴其母。母與夜來泣拜。諸客將散。皓時氣方剛。且恃扛鼎。顧從者敵。因前讓其枯勢。攘臂毆之。踏於拳下。遂突出。時都亭驛所由魏貞有心義。好養私名。皓以情投之。貞乃藏於妻女間。時有司追捉急切。貞恐蹤露。乃夜辦裝。腰其白金數挺。謂皓曰。汴州周簡老。義士也。復與郎君當家。今可依之。且宜謙恭不怠。周簡老蓋大俠也。見魏貞書甚喜。皓因拜之爲叔。遂言狀。簡老命居一船中。戒無妄出。供與極厚。居歲餘。忽聽船上哭泣聲。皓潛窺之。見一少婦。縞素甚美。與簡老相慰。其夕。簡老忽至。皓處問君婚未。某有表妹嫁於甲。甲卒無子。今無所歸。可事君子。皓

拜謝之。卽夕。其表妹歸皓。有女二人。男一人。猶在舟中。簡老忽語皓。事已息。君貌寢。必無人識者。可遊江淮。乃贈百餘千。皓號哭而別。簡老尋卒。皓官已達。簡老表妹尙在。兄娶女嫁。將四十餘年。人無所知者。適彼老吏言之。不覺自媿。不知君子察人之微。有人親見薛司徒說之也。明皇封禪泰山。張說爲封禪使。說女壻鄭銓。本九品官。舊例封禪後。自三公以上。皆遷轉一級。惟鄭銓因說驟遷五品。兼賜緋服。因大酺。次元宗見銓官位騰躍。恠而問之。銓無詞。以對黃旛綽曰。此泰山之力也。于襄陽隕在鎮時。選人劉某入京。逢一舉人。年二十許。言語明悟。同行數里。意甚相得。因藉草劉有酒。傾數盃。日暮。舉人指支逕曰。某弊止從

此數里。能左顧乎。劉辭以程期。舉人因賦詩。流水涓涓。芹^吐芽。織鳥雙飛。客還家。荒村無人作寒食。殯宮空對棠梨花。至明年。劉歸襄州。尋訪舉人殯宮存焉。

顧况喪一子。年十七。其子魂遊恍惚如夢。不離其家。顧悲傷不已。因作詩吟之。且哭。詩云。老人喪其子。日暮泣成血。老人年七十。不作多時別。其子聽之。感慟。因自誓。忽若作人。當再爲顧家子。經日如被人執至一處。若縣吏者。斷令託生顧家。復都無所知。忽覺心醒。開目。認其屋宇。兄弟親滿側。唯語不得。當其生也。已後又不記年。至七歲。其兄戲批之。忽曰。我是爾兄。何故批我。一家驚異。方敘前生事。歷歷不悞。弟妹小名悉遍呼之。抑知羊叔子之事。非怪也。卽進士顧非。

熊成式常訪之。涕泣爲成式言。釋氏處胎經。言人之住胎。與此稍差。

相傳云。釋道欽住徑山。有問道者。率爾而對。皆造宗極。劉忠州晏嘗乞心偈。令執鑪而聽。再三稱諸惡莫作。衆善奉行。晏曰。此三尺童子皆知之。欽曰。三尺童子皆知之。百歲老人行不得。至今以爲名理。予讀梁元帝雜傳云。晉惠末。洛中沙門耆域。蓋得道者。長安人與域食於長安寺。流沙人與域食於石人前。數萬里同日而見。沙門竺法行。嘗稽首乞言。域升高坐曰。守口攝意。心莫犯戒。竺語曰。得道者當授所未聽。今有八歲沙彌。亦以誦之。域笑曰。八歲而致誦。百歲不能行。嗟乎。人皆敬得道者。不知行卽是得。相傳云。韓晉公混在潤州。夜與從事登萬歲樓。

方酣置杯不說語左右曰汝聽婦人哭乎當近何所對在某街詰朝命吏捕哭者訊之信宿獄不具吏懼罪守於屍側忽有大青蠅集其首因發髻驗之果婦私於隣醉其夫而釘殺之吏以爲神吏問晉公晉公云吾察其哭聲疾而不悼若強而懼者王充論衡云鄭子產晨出聞婦人之哭拊僕之手而聽有間使吏執而問之即手殺其夫異日其僕問曰夫子何以知之子產曰凡人於其所親愛知病而憂臨死而懼已死而哀今哭已死而懼知其姦也

續齊諧記云許彥於綏安山行遇一書生年二十餘臥路側云足痛求寄鵝籠中彥戲言許之書生便入籠中籠亦不廣書生與雙鵝並坐負之不覺重至一樹下書生乃出籠謂彥曰欲薄

設饌彥曰甚善乃於口中吐一銅盤盤中海陸珍羞方丈盈前酒數行謂彥曰向將一婦人相隨今欲召之彥曰甚善遂吐一女子年十五六容貌絕倫接膝而坐俄書生醉臥女謂彥曰向竊一男子同來欲暫呼願君勿言又吐一男子年二十餘明恪可愛與彥敘寒溫揮觴共飲書生似欲覺女復吐錦行障障書生久而書生將覺女又吞男子獨對彥坐書生徐起謂彥曰暫眠遂久留君日已晚當與君別還復吞此女子及諸銅盤悉納口中留大銅盤與彥曰無以藉意與君相憶也釋氏譬喻經云昔梵志作術吐出一壺中有女與屏處作家室梵志少息女復作術吐出一壺中有男子復與共臥梵志覺次第互吞之拄杖而去余以吳均嘗覽此事訝其

說以爲至怪也。

相傳天寶中。中岳道士顧元績。嘗懷金遊市中。歷數年。忽遇一人。強登旗亭。扛壺盡醉。日與之熟。一年中輸數百金。其人疑有爲。拜請所欲。元績笑曰。予燒金丹八轉矣。要一人相守。忍不夕不言。則濟吾事。予察君神靜有膽氣。將煩君一夕之勞。或藥成。相與期於太清也。其人曰。死不足酬德。何至是也。遂隨入中岳上峯險絕。巖中有丹竈。盆乳泉滴瀝。亂松閉景。元績取乾飯食之。卽日上章封劄。及暮授其一板云。可鑿此知更五更。當有人來此。慎勿與言也。其人曰。如約至五更。勿有數鐵騎呵之曰。避其人。不動。有頃若王者儀衛甚盛。問汝何不避。令左右斬之。其人如夢。遂生於大賈家。及長。成思元績不言之


戒。父母爲娶有三子。忽一日妻泣。君竟不言。我何用男女爲。遂次第殺其子。其人失聲。豁然夢覺。鼎破如震。丹已飛矣。釋元裝。西域記云。中天婆羅尼斯國。鹿野東有一涸池。名救命。亦曰烈士。昔有隱者於池側結庵。能令人畜代形。瓦礫爲金銀。未能飛騰諸天。遂築壇作法。求一烈士。曠歲不獲。後遇一人於城中。乃與同遊至池側。贈以金銀五百。謂曰。盡當來取。如此數返。烈士屢求効命。隱者曰。祈君終夕不言。烈士曰。死盡不憚。豈徒一夕屏息乎。於是令烈士執刀立於壇側。隱者按劍念呪。將曉。烈士忽大呼。空中火下。隱者疾引此人入池。良久出。詰其違約。烈士云。夜分後。惛然若夢。見昔事主躬來慰諭。忍不交言。怒而見害。託生南天婆羅門家。住胎備嘗

艱苦。每思恩德。未嘗出聲。及娶生子。喪父母。亦不語。年六十五。妻忽怒。手劍提其子。若不言殺爾子。我自念已隔一生。年及衰朽。唯此一子。應遽止妻。不覺發此聲耳。隱者曰。此魔所爲。吾過矣。烈士慚忿而死。蓋傳此之誤。遂爲中岳道士相傳云。一公初謁華嚴。嚴命坐頃。曰。爾看吾心在何所。一公曰。師馳白馬過寺門久矣。又問之。一公曰。危乎。師何爲處乎。剎末也。華嚴曰。聰明果不虛。試復觀我一公良久。泚頰面洞。亦作禮曰。師得無入普賢地乎。集賢校理鄭符云。柳中庸善易。嘗詣普寂公。公曰。筮吾心所在也。柳云。和尚心在前簷第七題。復問之。在某處。寂曰。萬物無逃於數也。吾將逃矣。嘗試測之。柳久之。瞿然曰。至矣。寂然不動。吾無得而知之矣。又詵禪。

師本傳云。日照三藏詣詵。詵不迎接。直責之曰。僧何爲俗人囂湫處。詵微瞋。亦不答。又云。夫立不可過人頭。豈容標身鳥外。詵曰。吾前心於市。後心剎末。三藏果聰明者。且復我。日照乃彈指數十曰。是境空寂。諸佛從自出也。予按。列子曰。有神巫自齊而來。處於鄭。命曰季咸。列子見之心醉。以告壺丘子。壺丘子曰。嘗試與來。以吾示之。明日。列子與見壺丘子。壺丘子曰。嚮吾示之以地文。殆見吾杜德機也。嘗又與來。列子又與見壺丘子。壺丘子曰。嚮吾示之以天壤。列子明日。又與見壺丘子。出曰。子之先生不齊。吾無得而相焉。吾示之以太冲莫朕。嘗又與來。明日。又與之見壺丘子。立未定。失而走。壺丘子曰。吾與之虛而猗移。因以爲方靡。因以爲流波。故逃也。

予謂諸說悉互竄是事也。如晉時有人百擲百
盧。王衍曰。後擲似前擲矣。蓋取於列子。均後於
前之義。當時人聞以爲名言。人之易欺。多如此
類也。

西陽雜俎終



借 書 到 期 表

Date Due

[illegible]

民國二十四年十月出版

唐人西陽雜俎 (全一冊) 定價大洋三角

版權所有
翻印必究

著者 段成式

校閱者 平襟霞

出版者 平襟霞

發行者 中央書店

上海四馬路世界里
電話九〇七二二號

全國各大書局均有代售

